
СПОРТНИНГ ВЕЛОСПОРТ-ШОССЕ ТУРИ БЎЙИЧА ВИЛОЯТИМИЗДА ЎТГАН ЎЗБЕКИСТОН КУБОГИ МУСОБАҚАЛАРИДА ФАРҒОНАЛИКЛАР ҲАМ ЮҚОРИ НАТИЖАЛАРНИ ҚАЙД ЭТИШДИ

2021 йил 18-22 сентябрь кунлари вилоятимизда спортнинг велоспорт-шоссе тури бўйича эркаклар ва аёллар ўртасида Ўзбекистон кубоги мусобақалари бўлиб ўтди.

Тошкент шаҳри, Тошкент, Хоразм, Наманган ва Фарғона вилоятларидан келган спортчилар ҳамда Республика олимпия захиралари коллежи, Республика олий маҳорат спорт мактаби, Миллий Гвардия-Динамо жамоалари вакиллари эркаклар ва аёллар ўртасидаги яккалик, критериум жувтлик ҳамда гуруҳ жамоалари баҳсларида қатнашдилар.

Куни кеча мусобақанинг якуний босқичи ўтказилиб, унда ғолиблар номи аниқ бўлди. Хусусан, аёллар ўртасида 22 километр масофага ўтган жувтлик пойгада фарғоналик Моҳинабону Элмуродова ҳамда Рухшона Исмоиловалар 37,25 дақиқа натижа билан фахрли 2-ўринни эгалладилар.

Фарғона олимпия захиралари коллежида ғолиб ва совриндорларни тақдирлаш маросими ташкил этилди. Унда вилоят ҳокими ўринбосари, вилоят туризм ва спорт бош бошқармаси бошлиғи Хуршиджон Аҳмедов иштирок этди.

Тадбирда сўз олганлар спорт инсон саломатлигида муҳим ўринга эга эканлиги, шу боис спорт турларини, хусусан велоспортни ривожлантиришга юртимизда алоҳида эътибор қаратилаётганлигини таъкидладилар.

Шундан сўнг мусобақада ғолиб бўлган ва фаоллик кўрсатган 27 нафар спортчига турли даражадаги диплом ва эсдалик совғалари топширилди.

[Бизни ижтимоий тармоқларда кузатинг Facebook,](#)
2021-09-24 18:09:40